



**Magna Gloria Antiquæ & Novissimæ Domus
Schwarzacensis A Magno Sacerdotio Sive Vita & Res
Præclare Gestæ ... DD. Abbatum Celeberrimi &
Antiquissimi Monasterii O. S. B. in Münster-Schwartzach**

**Friedrich Karl <Bamberg, Bischof>
Wirceburgi, 1743**

Paulus Abbas XLIII.

[urn:nbn:de:hbz:466:1-64362](https://nbn-resolving.de/urn:nbn:de:hbz:466:1-64362)

ribus Monasterium excitavit; religiosorum numerum ad 50. personas auxit, inductâ observantiâ Bursfeldensis congregationis celebris, & ob tot præclarè gesta ab ipsa Sede Apostolica dignus iudicatus, quem insigni Mitræ ornamento corona-ret. Obiit anno Domini 1494. 25. Febr.

MICHAEL ABBAS XLII.

Successor Martini Michaël Gerlocuriâ oriundus Monasterio nostro anno 1494. præesse cœpit; Campanam magnificam fundi curavit, quam postea unâ cum aliis Monasterii ornamenti rusti-corum insurgentium furor injecto igne concre-mavit: anno administrati officii sui nono, onus hoc, cui diutiùs ferendo ob ætatis jam proiectæ infirmitatem se non esse parem ultro fatebatur, depositus, reliquos Vitæ dies sine negotiorum strepitu in quiete transacturus. Vix annus efflu-xerat, ex quo sibi soli vivere cœpit, vivere desuit, anno Domini 1504.

PAULUS ABBAS XLIII.

Festo Conversionis S. Pauli Paulus Patriâ Det-telbaceensis Abbas inaugurus est anno 1503. cùm Cellariam anteâ magnâ suâ commendatione

F 2

admi-

administrâsset; annus regiminis 2dus Christi
1505. Vitæ postremus fuit.

GEORGIUS ABBAS XLIV.

Ab obitu Pauli Abbatis inter Georgium Fretz Priorem, Nicolaum Scholl Cellæ, & Nicolaum Unrufe Culinae Præfectos, qui pari suffragiorum numero gaudebant, lis exorta fuit, quis è tribus aliis præferendus esset? neque tam facilè dirimenda fuisset illa, nisi Laurentius à Bibra Episc. Wirceb. in quo Conventus omnem spem dirimendæ litis posuerat, hanc rem composuisset, & Georgium Wolffsbach Coriarii Wirceburgensis filium in Monasterio S. Stephani Profestum Abbatem Monasterio imposuisset. Huic Episcopi Wirceburgensis Consilio, licet & inexspectatum & ingratum Schwartzacensibus accideret, contendentibus suam mentem non fuisse, ut externus præficeretur; pro sua tamen erga Wirceburgenses Episcopos semper habita reverentia Monasterium nostrum acquievit. Georgius ergo Abbatis insignibus condecoratus gregis sibi commissi curam in se magno animo suscepit, & quæ erat illius dexteritas in administranda re familiari planè